




# *Pravni fakultet Sarajevo*

*“Dobro je biti u pravu!”*

[www.pfsa.unsa.ba](http://www.pfsa.unsa.ba)





# UNIVERZITET U SARAJEVU PRAVNI FAKULTET

## DOBRO DOŠLI

Pravni fakultet u Sarajevu, osnovan je 1946. godine i bio je prva visokoškolska ustanova u Bosni i Hercegovini u oblasti društvenih nauka. Tokom više od 70 godina rada, na Fakultetu je diplomiralo preko 15 hiljada studenata.



Do danas je održao svoju tradiciju i predstavlja jedan od vodećih pravnih fakulteta u zemlji.





# UNIVERZITET U SARAJEVU

## PRAVNI FAKULTET

S ciljem pružanja kvalitetnije nastave, osim nastavnika i saradnika Fakulteta, u nastavu su uključeni različiti stručnjaci iz prakse: ugledni sudije, tužioci, advokati i dr. Osim toga, osoblje Fakulteta nerijetko obavlja i najviše državne funkcije, poput sudija ustavnih sudova i arbitražnih tijela.

Istaknutim studentima omogućena je višemjesečna praksa u određenim ustanovama tokom studiranja, kao što su Ustavni sud BiH i niži sudovi, Ured ombudsmena za ljudska prava i sl.

Pravni fakultet, osim prostora za održavanje predavanja i vježbi, raspolaže i različitim prostorima za učenje, uključujući Biblioteku, Kriminološki institut, Seminar za građansko pravo, Seminar za pravnu historiju i komparativno pravo, Biblioteku njemačkog prava, internet salu i nekoliko čitaonica.

Nakon implementacije Bolonjskog sistema obrazovanja, od 2009. godine, uvode se i različiti vidovi praktične nastave.

Praksa kao dio nastavnog procesa na Fakultetu obuhvata primjera radi:

- analizu prakse sudova i drugih institucija na časovima predavanja, vježbi i seminara i simulaciju suđenja;
- sticanje praktičnih vještina za rješavanje slučajeva putem «case study»;
- učešće u nastavnom procesu stručnjaka iz prakse (sudije, tužioci, advokati, upravni inspektori, inspektori rada itd.);
- odlaskom studenata u grupama na suđenja, glavne rasprave, glavne pretese, zemljišnoknjižni ured, zatvor, kriminološku laboratoriju, Interpol, centre za socijalni rad, zakonodavna tijela itd.
- pravnom praksom u toku semestarskih ferija u odgovarajućim institucijama (Ustavni sud BiH, Ured ombudsmena, zakonodavna tijela itd.);



# UNIVERZITET U SARAJEVU PRAVNI FAKULTET

Prvi u Bosni i Hercegovini, davne 1999., Fakultet je pokrenuo projekat „kliničke nastave“, čiji je osnovni cilj sticanje praktičnih pravničkih vještina.

Neke od tih vještina, koje studenti mogu naučiti su:

- pisanja podnesaka za sud i druge organe;
- sastavljanje ugovora;
- razumijevanja i interpretiranja činjenica nekog pravnog spora;
- alternativno rješavanje sporova i dr.

Od akademske 2005/2006. godine, kliničko obrazovanje je postalo sastavni dio dodiplomskog studija, budući da se klinike iz pojedinih pravnih oblasti nude kao izborni predmet.

## **Pravo se može studirati u tri ciklusa:**

- Prvi ciklus vodi do akademskog zvanja završenog dodiplomskog studija, traje četiri /4/ godine, a vrednuje se sa 240 ECTS bodova;
- Drugi ciklus vodi do akademskog zvanja magistra prava, traje jednu godinu, a vrednuje se sa 60 ECTS bodova,
- Treći ciklus koji vodi do akademskog zvanja doktora pravnih nauka, traje tri godine i vrednuje se sa 180 ECTS bodova,
- Specijalistički studij koji se organizira nakon dodiplomskog studija, traje godinu dana, a vrednuje se sa 30 ECTS bodova





# UNIVERZITET U SARAJEVU PRAVNI FAKULTET

## Nastavni plan i program I ciklusa studija

Diplomski studij prava je opći, jedinstven za sve studente. Obuhvata širok spektar različitih naučnih disciplina. Traje četiri godine – osam semestara.

Osnovni cilj ovako koncipiranog studija je razvijanje pravničkog mišljenja i opće pravničke kulture studenata.

### **Težnja: razumijevanje porijekla, uzroka, nastanka i funkcioniranja pravnog sistema**

U tom pogledu, na **prvoj godini** studente čekaju predmeti kao što su: *Rimsko pravo, Uvod u nauku o državi i pravu, Komparativna pravna historija, Historija države i prava BiH* i dr.

Na **drugoj godini** se počinju izučavati različite grane prava, kao što je *Porodično pravo, Nasljedno pravo, Krivično pravo, Ustavno pravo*. Studenti biraju jedan od različitih izbornih predmeta među kojima su i: *Sudska psihopatologija, Medicinsko krivično pravo, Ekološko pravo, Izorno pravo* i dr.

Na **trećoj godini** osim izučavanja procesnog prava (kako funkcioniše sudski proces) poput *Krivičnog procesnog prava*, izučavaju se i predmeti kao što su *Međunarodno javno pravo, Osnovi prava Evropske unije* i različiti izborni predmeti poput, *Pravo, religija i nasilje, Pravna klinika iz ljudskih prava, Sudska medicina, Viktimologija* i dr.

Na **četvrtoj godini** studenti izučavaju predmete kao što su: *Građansko procesno pravo, Osnovi prava intelektualnog vlasništva, Filozofija prava* i dr., dok imaju mogućnost izbora između više od 40 ponuđenih izbornih predmeta, među kojim su: *Autorsko pravo i srodna prava, Sudstvo za maloljetnike, Studij genocida, Pravo manjina* i dr.



# UNIVERZITET U SARAJEVU

## PRAVNI FAKULTET

Nakon prvog ciklusa studenti stižu zvanje: bakaleaureat prava (ranije diplomirani pravnik).

### **II ciklus studija**

Studij prava studenti mogu nastaviti na drugom ciklusu – postdiplomskom studiju, koji traje jednu akademsku godinu i, za razliku od prvog ciklusa, usmjeren je na izučavanje predmeta jedne od pet Katedri: Katedra za pravnu historiju i komparativno pravo, Katedra pravno-ekonomskih nauka, Katedra građanskog prava, Katedra krivičnog prava, Katedri za državno i međunarodno javno pravo.

Nakon završenog drugog ciklusa studija, studeni stižu zvanje mastera prava.

### **III ciklus studija**

Treći ciklus – doktorski studij traje tri godine. Prva godina je opća i jedinstvena za sve studente, a nakon okončanja prve godine, studenti biraju jedan od ponuđenih smjerova: državnopravni, građanskopravni, krivičnopravni, pravnoekonomski, pravnohistorijski i komparativnopravni smjer.

Nastavni plan i program na Pravnom fakultetu Univerziteta u Sarajevu koncipiran je na osnovu savremenih modela studija na prestižnim evropskim univerzitetima.



# UNIVERZITET U SARAJEVU PRAVNI FAKULTET

## UPIS

Za upis na Pravni fakultet Univerziteta u Sarajevu postoji veoma velika konkurencija. Kako bismo Vam pomogli kod donošenja odluke o upisu na Fakultet, navest ćemo neke informacije koje su značajne za prijavu i odabir kandidata.

## USLOVI UPISA:

### Uslovi upisa na Fakultet su sljedeći:

- Osnovni uslov: završena četverogodišnja srednja škola.

Budući da se ne organizira prijemni ispit, elementi koji se vrednuju su:

- Opći uspjeh tokom srednjoškolskog obrazovanja;
- Uspjeh iz maternjeg jezika, historije, engleskog jezika i sociologije;
- Rezultati ostvareni na takmičenjima iz predmeta relevantnih za studij prava, koji nose određen, zbirni broj bodova.
- Odličan uspjeh iz svih predmeta i primjeno vladanje nosi dodatnih 5 bodova.

Na osnovu naprijed navedenih kriterija sačinjava se rang lista kandidata prema broju ostvarenih bodova.

Predviđeni broj studenata, koji će biti upisani na redovni studij Pravnog fakulteta u Sarajevu /kandidati koji samostalno plaćaju troškove studija i kandidati koji će se finansirati iz budžeta Kantona/, određuje Ministarstvo visokog obrazovanja na prijedlog Univerziteta, u skladu sa planom upisa studenata i uvjetima opremljenosti Fakulteta, dok broj studenata za upis na vanredni studij predviđa Vlada Kantona.

Pravo učešća na konkursu imaju kako državljani Bosne i Hercegovine tako i strani državljani, sa završenim srednjim obrazovanjem.



# UNIVERZITET U SARAJEVU PRAVNI FAKULTET

## PRAVA I OBAVEZE STUDENATA

### Prava i obaveze studenata su da:

- posjećuju predavanja, rade seminare i aktivno učestvuju na seminarskim i praktičnim vježbama i drugim oblicima nastavnog rada;
- pristupe provjeravanju znanja iz svih predmeta;
- sudjeluju u naučno-istraživačkim radovima pod rukovodstvom nastavnika i saradnika;
- učestvuju u radu organa upravljanja Fakulteta, Univerziteta ili druge asocijacije u koju je Fakultet udružen.

## ZAŠTO STUDIRATI PRAVO?

### Zato što je dobro biti „u pravu“!

Studij prava omogućava kvalitetno opće obrazovanje, kao i širok spektar zanimanja.

Osim tradicionalnih pravničkih zanimanja, kao što je sudija, tužilac, advokat, notar, pravobranilac i sl., tu su i različita druga zanimanja u poslovnom svijetu, političkom životu, međunarodnim organizacijama, civilnim organizacijama, obrazovanju i nauci i dr. koja pravnik može da obavlja.

Nova zanimanja se kontinuirano otvaraju, jer pravo prati razvoj društva, ekonomije i tehnologije. Na primjer, danas se pravnici specijaliziraju u oblasti informacijskog prava i kompjuterskog kriminaliteta, što ranije nije bio slučaj.





# UNIVERZITET U SARAJEVU PRAVNI FAKULTET

*Budućim brucšima želimo dobrodošlicu i uspjeh tokom studiranja na Pravnom fakultetu Univerziteta u Sarajevu*



## Kontakt

### Adresa:

Obala Kulina bana 7  
71000 Sarajevo  
Bosna i Hercegovina

### Telefon:

+387 (0)33 206-350 (centrala)  
+387 (0)33 206-360 (sekretarijat)  
+387 (0)33 206-355 (fax)  
+387 (0)33 223-136 (studentska služba – I ciklus /  
dodiplomski studij)  
+387 (0)33 223-973 (studentska služba – II i III ciklus /  
postdiplomski studij)

### E-mail:

Sekretarijat:sekretarijat@pfsa.unsa.ba  
Studentska služba:studentska@pfsa.unsa.ba  
Postdiplomski studij:postdiplomski@pfsa.unsa.ba

